

精鈔  
大字

隨

園

全

集



紅豆村人詩稿卷十二

己酉至壬子

錢唐袁樹薌亭

己酉元旦呈存齋兄

閉門人自得春先。香擁梅花共水仙。未覺閒窗更歲月。且磨新墨寫雲烟。笑看親友空投刺。也遣兒曹代拜年。敢向兄前稱弟老。分明恃愛却非顛。

第一封書第一詩。詩情人意筆先知。門無刺

啄貧尤好。滕有兒孫老敢辭。鬱壘版猶隨俗挂。屠蘇盞久讓人持。却憐索畫徵詩債。同是從頭又起時。

新正四日荷塘明府招飲即席再疊前韻

占得江城淑景先。掃開冠蓋集遊仙。

梅隅庵孝廉董觀橋採花葉呈樣別駕邵無恙大尹皆退居在籍者

官梅香裏人聯璧。好雨聲中

燭帶烟。不用感懷追去日。但能行樂即芳年。試探天上春消息。

初九日方立春

已覺東風早放顛。不

賞功名只賞詩。此懷今古幾人知。談兼雅俗更將盡。量任高低爵許辭。樽里半塵容我老。驛壇一幟仗公持。劇來寫慣閒山水。可要胭脂畫入時。

和邵無恙明府見贈疊韻二首

江鄉新景換桃符。舊雨重逢感鬢鬚。匣裏新詩能壓玉。懷中記事尚餘珠。喜從官閣高朋會。暫集林間小隱圖。在座皆退閒之客談劇不嫌更漏永。雨聲纔歇起城烏。六載慚分嶺外符。海風吹雪上

吟鬚遊心未醉。梳櫛酒歸。橐偏攜。意以珠老。去難尋。行樂地。倦來空作。卧遊圖。翟公門。巷堪羅雀。那有人看屋上烏。

人日過葉星槎別駕園亭

新年閉戶少逢迎。纔入園亭眼忽明。樹葉未萌林已活。池波欲動水先清。家居如此閒尤好。春睡饒知夢不驚。話到夕陽猶握手。忘形竟亦兩忘情。

題紆亭兄射虎圖

射虎不射石。沒鏃至飲羽。及辨虎非真。勇力不更舉。乃知取與機。得失界幾希。誤用或偶中。著意轉非宜。射虎虎未得。披裘踏晴雪。笑拂六花寒。靜息五情熱。

和紆亭兄上元後三日喜雪疊韻二首

玉蟾纔度歲華新。密雪連宵竟達晨。共慶千郊呈瑞兆。早知三日用公旬。周禮豐年則公旬用三日射開白眼

還添冷。壓住紅梅別放春。最好高低同一色。欽崿塲滿土膏勻。

曉起微聞雀語新。喜看瓊蕊

弄芳晨。飛來舊砌盈三尺。計入華年未二旬。白雪先為紅雪引。六花偏領萬花春。無私本是東君意。大地同沾片片勻。

詠雪獅和紆亭大兄

團雪為獅鬪化工。強撐凍骨立西風。胎從淨土原多幻。借與寒威也自雄。宛足未能馳塞北。藏聲



不懼吼河東。劇憐齒吻冰消後。吞得斜陽幾口紅。

上元夕雨和星槎別駕原韻

上元佳節重晨輝。不奈寒雲弄晚霏。待月客虛中夕望。踏燈人悵半逢歸。潤回廣陌春初透。添入清池水漸肥。晴固可嘉陰亦好。閉門相賞不相違。

詠紙鳶分韻字

託形纜象物。得氣便攢天。虛假千尋勢。孤憑一線懸。高非由等級。輕易露狂顛。浪跡霜寒漢。空腔學管絃。擊來如戲耳。望去亦飄然。祇借風威轉。翻身落眼前。

存齋兄于小倉山房插梅花數十瓶。日夕坐卧其下。賦此以呈。

瘦幹狂枝插滿瓶。更從室內植梅林。尚嫌空谷溪橋遠。陡覺虛堂棗宇深。欲醉濃香除帳卧。轉邀明月入簾尋。饒知玉照同清賞。不是孤山處士心。

小倉山房讌梅同人分韻得鏡字

今年春信遲。梅開偏更早。沿溪五百株。主人尚嫌少。呼僮選好枝。剪插鬪工巧。列几恣橫斜。出棟肆天橋。一室濃香熏。滿身花片繞。張燈看更宜。無雪卧亦好。招客泛春卮。鼻觀飲先飽。飛英上棋枰。  
董太史與王  
錄士對弈  
餘芬散詩稿  
在座七人以鏡屋  
梅花三十樹分韻  
靜惜孤山孤  
遠笑羅浮小  
坐等寒月來  
不覺倉山曉

同人詠筍分體得七排十韻限胎字

空山昨夜響輕雷。驚動蒼山起凍茭。勁節早從根節建。虛心還自實心來。干霄有待猶含甲。拔地無聲已破苔。雨過乍看迎展短。春深繁更觸籬開。瓊瑤佩重黃龍擡頭角。疑生紫豹胎。石壓一枝斜。怒掘土肥幾簇密。編排將招鸞鳳其基矣。似此兪孫實壯哉。登席祇宜櫻共薦。聯班惟是玉堪陪。為誰對客狂噴飯。誘我參禪笑舉杯。慎莫貪饑飽千畝。也須培養出羣材。

吉光甥出素冊乞畫行樂圖余謂少年何樂惟讀書最樂耳為作松館讀書圖並繫詩以勗之

人生可憐蟲。原與萬物俱。所以異于物。恃此性靈殊。性靈何所養。養以數卷書。惟書能治俗。惟書能啟愚。高宏探象緯。幽深窮典謨。鉅可識鐘鼎。細亦辨豕魚。豈止工辭翰。實以宏規模。無墨何為士。有文乃謂儒。所以古賢哲。努力惜三餘。騎牛不廢讀。帶經常自鋤。買臣薪負戴。高鳳麥沾濡。大義貫涉獵。芳覽恣畋漁。莫作無鑄鼎。徒譏有脚廚。吾甥英妙質。清聲識鳳雛。甥為書巢之子除讀書砥志。將奮跡何途。為築高松館。閒寫小山圖。峯影厭窗靜。松花入簾疏。松間歲月長。珍重好居諸。

題汪起鰓小照

朝市山林興不同。老農何必遜三公。築成茅茨宜中隱。吹到桑麻是古風。波向牧童囊上綠。花從餉婦鬢邊紅。問他抱膝長吟客。可似躬耕避世翁。

存齋兄于二月初八夜連夢上人羽士疊來稱賀謂本月二十二日當歸仙錄及過期無恙

張荷塘明府以詩解嘲邀同人共和為賦二詩

無端春夢擾閒情。堪笑仙迎佛也迎。從古死生關健處。最分明最不明。  
明說歸期豈有期。山人一夢滿城知。夢中說夢羣相誅。總是黃梁未熟時。

己酉消夏吟

忽忽歸田里。飄飄閱四年。何心充大隱。小惠學游仙。畫譜明窗淨几佳素輕綃謂之小墨神仙官休人不熟。境冷日

仍炎。安得宗晟筆。虛堂寫水簾。碎劈湘江竹。編簾著地懸。為驅簷外暑。浪使杖頭錢。有

圃身堪寄。無錢使不開。園丁偏好事。時復送花來。破夢仍多夢。浮家即是家。門無一客到。塔

有四時花。小筆少臨摹。柔毫愧劈窠。未能辭畫扇。輸與李雄多。有架堆千卷。無絃掛一琴。

夕陽留得住。深碧滿桐陰。閉宜人事少。靜覺物聲驚。蛙鼓東西奏。蚊雷早晚朝。玻璃窗

四面。處處透空明。誤引飛蟲觸。鏘鏘時一聲。祇有書堪讀。更無人與談。晚來明月下。對影不成

三。壯志消都盡。殘棋敢認真。偶然彈一局。祇愛手低人。紙帳孤眠慣。羅幃獨睡多。迢迢

望秋信。夜夜隔銀河。

和韻答張荷塘明府見贈三首

智士妄乘機。達人但知命。涉世多險盜。遵道無異徑。半畝薄萬鍾。一車傲千乘。猿鶴與沙蟲。變化亦

隨性。木落見山高。風疾知草勁。看得萬緣空。自有四時興。萬古一名場。得寸恆失尺。快心賦

新歡轉瞬歎陳迹。與其虛歲月。何如樂朝夕。但得眼常青。那管頭全白。瓶罄甘雋貧。毡冷還故席。敢效愚公愚。吾自安吾宅。才大非時宜。往往遭擯却。明公盛意氣。炙手如可灼。一洗風塵襟。獨尋詩酒約。振衣雲龍顛。浩歌發長嘯。天空鳥自翔。機忘鷗共樂。望望及秋期。花間待斟酌。

題訪戴圖

王石長為儀曹時。與戴笠人交最善。雪中過訪不遇。乃仿子猷安道故事。作訪戴圖。

子猷高興足千春。安道清標迥出塵。韻事天然成巧合。葫蘆依樣又翻新。策蹇何曾輸鼓櫂。燕

京豈必異山陰。滿林寒玉空山雪。照見千秋一片心。斯人繪事妙縱橫。香雪五豆虜筆更精。我

亦低頭思過訪。西泠惆悵月空明。笠人作香雪吾廬圖留別石長題詩有者番別後如相憶月夜西泠夢故人之句歸家未幾卒竟成詩識

寄懷章槐野觀察

不見髯翁面。相思又越年。盈盈衣帶水。漠漠小山烟。地近書偏少。形略意莫傳。屋梁殘月夢。強半

繞龍眠。公居龍眠山下。脫屣輕軒冕。羸來歲月閒。若無絲與竹。何以稱聲東。山枕畔。金霓曲。簾中玉

筍班。鶯聲吹不出。花裏把門關。小隊寬裳侶。便嫌簇錦霞。分明天上樂。不作世間花。雅韻傳

千疊。春風聚一家。饒知人漸長。搗盡守宮砂。堪笑感堪興。勞勞說自娛。幻尋誠意術。苦覓李該

圖。大智偏藏智。非愚却效愚。炎熇今歲甚。可也踏山無。

九日寫興

無處登高去。幽然獨閉關。移將離下苑。堆作屋中山。秋與人同老。花陪我共閒。滿頭羞更插。雙鬢久成斑。

雪窗遣興

終朝無客至。一室聊自娛。凌寒賸瓶菊。借暖列三爐。浪作無師畫。閒讀未竟書。偶然事吟詠。鋒芒斂全無。比似少年作。蹊徑如分途。固緣餘錦盡。亦以壯志徂。昨夜北風厲。吹折青松株。曉來飛白雪。皎潔盈階除。明我靜中眼。快我頷下鬚。境寂神益豁。聲希味更餘。不知身與心。消遣當何如。我與我周旋。清氣滿太虛。

歲暮書懷

莽莽時將暮。悽悽百感生。匣中亡故劍。閭內失長城。寒煖衰年境。艱難卒歲情。無人解調護。惆悵此身輕。

移居四章

園以寓錫名。原無固處志。果然四年餘。棄之等兒戲。既非勢力驅。亦無更張意。偶爾笑談間。不覺客主異。得失忘營謀。久暫早位置。一瞬八百年。滄桑本容易。

週視舊宇宇。一一勞經營。綠蘿

蔓初引。碧梧陰漸成。忽爾棄之去。草木皆有情。黃鳥如惜別。對我啼數聲。再來即是客。踟躕遠階行。本期事將就。新居更寬鏡。閱閱臨廣陌。輪奐職層霄。池塘繞亭榭。綠竹映紅蕉。軒窗三兩

處頗可娛昏朝。以小乃易大。入谷轉遷喬。君子重素位。隨寓心自超。買屋尚易遷。典屋何期久。宇宙大蓬廬。誰無亦誰有。得住便且住。鵲巢鳩代守。惟此遷移初。舉家事紛糾。瑣屑悉搜羅。奔馳疲下走。長物重安排。十日不停手。當年葛稚川。亦此歷碌否。一動不如靜。紛煩亦自取。妻孥却喜歡。啞啞修笑口。

張荷塘明府枉詩賀移居依韻和答

庚信當年最有情。遊蹤常戀石頭城。劇憐小築重遷徙。恰喜喬柯舊長成。園有雜花香自遠。池餘止水味尤清。閒來日課兒孫讀。祇種書田不問耕。山為屏障樹為鄰。者個清閑老病身。借得園亭仍有主。算來居處祇如賓。饒知岑寂難行樂。未忍頽唐便負春。不信杖鄉年已到。鏡中翻訝白頭新。

張荷塘年丈葺樓軒初成值久旱得雨因以得雨名軒招姚姬傳山長葉星槎別駕邵無恙大尹小集荷塘即席成詩依韻步和即送其赴川沙司馬之任

羞鍊丹砂強鑄顏。五人心共白鷗閒。最宜軒廠初聽雨。可惜樓高不見山。蘭正作花偏送別。雲纔出岫幾時還。青衫司馬吟詩慣。且掃紅塵學閉關。

答友人賀六十生日原韻二首

衰病相乘且息機。杖鄉剛稱著荷衣。未能寬過期今是。何敢侈談悔昔非。已判豪情隨水逝。尚留



靜眼看雲飛。還因十載催科拙。換得餘生付釣磯。老境全宜後步寬。回頭惆悵夕陽殘。半生宦味中拋易。一縷書香再續難。信耳人疑官自富。問心我比水尤寒。打開策辱升沉界。素位行來却也安。

題蔚文侄倚竹聽泉圖

年未三十休寫真。英華初發慮奪神。阿戎行年二十五。遠爾圖此殊非倫。其師筠谷有深意。

佐學畫于

崔史筠谷圖即筠谷布景

布景略主專寫真。出山流泉知有本。虛心綠竹重有筠。干霄須自立根脚。演派慎莫

滋沉淪。竿頭再進功自礪。逝者如斯時足珍。奔泉弄響得搖影。在耳在目交相親。自有風雲增志壯。何煩絲管誇聲新。少年未容事高蹈。但期免俗亦可人。當懸此圖銘座右。莫徒行樂辜青春。

閒居漫興

閉門鎮日卧羲皇。水閣輕陰晝景長。新蝶乍飛偏有致。好花雖落尚餘香。鶯啼息駕神尤倦。傀儡離場技漸忘。寄語親朋須共諒。莫將疎懶作疎狂。

送內子歸葬舟中作

捨却同衾夢。翻謂入土安。忍心割餘戀。送卿歸故山。魂升自舟去。

內子卒於豫章舟次

魄返由舟還。漫漫浪

花雨。默默摧心肝。憶昔粵海遊。來往共一舸。沙際鷺隨鷗。艙中卿共我。指點話烟戀。流盼右復左。食息調溫寒。料理必周妥。帆開行固佳。灘阻泊亦可。兩心各自憐。雙眉不輕鎖。今茲返林邱。依然



同。一舟。如何水窗下。不見卿梳頭。魂兮歸不歸。輕風颺素旒。江水為我咽。彤雲為我愁。青燈耿長夜。反側空悠悠。

夜過京口

鐵甕沈沙冷。金山壓浪平。一燈懸塔影。兩岸聽鐘聲。茄鼓閒無用。魚龍靜不驚。獨吟過夜半。斜月片帆輕。

過無錫

一塔橫空矗遠峯。惠泉清響瀉淙淙。山如韻士盈書氣。水學秋娘帶冶容。港汊曲連寒翠合。閭閻常覆濕陰濃。扁舟小泊迴塘雨。聽盡禪關半夜鐘。

馭風

日日行程阻。看人得意馳。忽然風力轉。也有掛帆時。

弔韓姬

離離宿草映殘霞。小小孤墳自一家。可是紅顏消未盡。杜鵑十月尚開花。時墓旁開杜鵑一枝龍鍾老我眼模糊。欲哭殘陽淚已枯。我不見卿卿見我。可還認得此翁無。

陸氏湖樓

慚愧天涯作浪遊。還鄉賃屋住湖頭。半籬松菊環三徑。小隊妻孥共一樓。山擁白雲渾似雪。樹留

紅葉尚餘秋。出門到處堪乘興。數十青蛟便買舟。

### 湖中大霧

漫漫不辨霧如烟。山色湖光總接天。身在無懷民物外。心遊未鑿混茫前。似聞人語知舟過。略見鷗羣訝岸懸。林木樓臺齊掩却。果然塵海竟無邊。

### 湖樓曉起

曉色穿窗入。湖光上枕來。鏡中入鷗鷺。樹杪出樓臺。兩向山頭過。雲從塔頂開。疎鐘何處寺。隱隱翠屏隈。

### 湖樓雜興

湖山廟貌近湖瀆。管領橋堤萬斛春。怪底香塵吹不散。新添四十八花神。湖波比似鏡尤平。樹影山容寫照明。水面船窗沈水底。一船顛倒兩船行。

### 十一月朔三日湖樓觀雪

夜來風力緊。侵曉雪彌漫。急起登高閣。狂呼倚畫欄。天低疑地陷。樹隱放湖寬。不惜雙眸冷。迎風忍凍看。

### 奠陸甥豫庭墓

孤山山後隱斜曛。遍訪荒碑拂亂雲。落葉聲中嗚咽水。西風也似哭劉蕡。當年佳壻快乘龍。

玉鏡臺邊絳帳重。塚似鴛鴦離不得。雙棲猶傍丈人峯。

甥為張古香太守贊堦令與婦合殯於太守墓側

再弔豫庭甥

一滴清醕一淚流。白雲紅葉滿荒邱。悲君賣志歸黃壤。笑我勞生在白頭。達士放懷空萬化。詩人無壽亦千秋。湄君遺稿刊成集。未識泉臺見也不。

雨坐湖樓

對面兩峯看忽遙。滿湖寒霧風蕭蕭。雨來泡影跳千點。舟過水痕拖一條。雲頭裏塔時隱見。波影撼樓疑動搖。身還故鄉偏作客。景好不嫌人寂寥。

歸至杭城值孫芥舟

度槐春巖嘉樂兩廉使梁山舟同書孫心時效曾兩侍講潘憲時本義

孫崑源

景曾沈麟書榮勳三觀察孫貽谷志祖侍御葉古渠潘朱清泉家源孫存齋述曾

三太守葉香祖

美中翰孫景高仰曾誦芬傳曾賢昆季蘇蘭圃燦舒曉山元滿三明府關

聖崖

述同年項金門城州佐皆賦閒居晨夕過從極文酒之樂未幾將還金陵情不能已

感賦四章即以誌別

撥開塵海學抽身。故國還歸已負春。儘有人間閒歲月。居然林下聚星辰。一時共醒黃梁夢。滿座

都成白髮人。各種升沈各懷抱。蛤蜊且食慢搖脣。雲捲雲舒不繫天。人離人合總因緣。春

深那得常無雨。月好何妨略帶烟。敢說息肩惟恐後。須知行樂貴當前。令威比我歸來晚。不見人

民祇惘然。閭閻較昔更輝煌。甲第雲聯鬪謝王。見面方知公等樂。傷心尚惜老成亡。濂溪水  
澗荷香寂。丁卯橋傾宿草荒。卅載感衰成底事。西湖山色自蒼蒼。周新之夫子許治夫刺史俱已謝世襟上淋漓  
酒尚留。又從江上買行舟。匆匆過客三冬暮。草草還鄉一月遊。柳為纏綿容易老。人逢離別倍添  
愁。故交心跡湖山雪。臨發踟躕掉白頭。

題女史何仙裳雲山水畫冊

畫境如詩寫性靈。最難健筆出娉婷。南樓人老清於迹。繡閣烟燃幾點青。陳書自稱南樓老人憚冰字清於不  
作簪花嫵媚姿。墨章水暈自紛披。翻嫌松雪齋中筆。只寫娟娟竹數枝。瘦寫秋山潤寫雲。居  
然生韻欲超羣。畫徵我正修新錄。一幟高張女冠軍。

題孫存齋述曾太守採藥小照

笑擲二千石俸。不栽八百株桑。獨向空山採藥。踏花塵軟鞵香。誰添頰上三毫。阿堵傳神儼  
若欲尋陶之柴桑。暫置幼輿與邱壑。天闊雲舒雲卷。春長花落花開。採得靈苗壽世。何妨再出  
山來。祥鸞碧鶴森立。翦冠早識豪英。四十年如閱世。披圖未隔前生。

庚戌冬旋歸古杭一塵未卜孫虛白主人仰曾假寶石山莊以居盤桓二旬餘出圖索題為

賦四章即以誌謝

然其人言利 卷一  
攬取十里勝。一莊當湖開。位置得佳地。經營費良才。近水碧欄淨。環山紅葉堆。浪引簾波去。窗  
招風翠來。莊收湖烟景。湖藉莊樓臺。人工與天趣。恰恰好安排。 晨氣生于無。瑤圖繪所有。自

非王黃鶴。誰是寫圖手。奚生天下士。

圖為奚  
鐵生作

氣吞雲夢九。筆擬追右丞。目欲空予久。寫樹如有聲。畫

山疑欲走。三尺絹縱橫。千秋人不朽。

主人邁芳躅。瀟灑娛歲華。春風滿懷抱。清於湖上花。雅

量薄霄漢灣。比西山霞。花不拒遊蝶。霞喜媚樓鴉。西湖作東道。室邇人不遐。慚余兄及弟。來往泛輕

槎。還鄉不求舍。假館以當家。身曾居圖內。為樂豈有涯。

今年春簡齋兄歸  
杖曾假寓山莊

造物無私愛。風光

乃益好。分明近城市。恍忽疑仙島。但得歲月佳。何惜烟霞老。別君何太速。識君恨不早。日短酒杯

長。情深湖天小。臨期訂素襟。石交以為寶。

### 獨坐圖為孫備之題

學海無津好問津。分陰最惜少年春。儂家自有千秋在。鄧禹何容妄笑人。

清溪翠篠讀書堂

靜裏湖天日倍長。坐到聲希心定後。梅花輕透一痕香。

### 題女史錢夢湘白描飲中八仙冊子

畫科人物品居先。吳帶曹衣各闢妍。何似針神拈素管。枝香繡出李龍眠。

不將鉛槧弄丹青

鐵線銀鈎淨寫形。料得羣仙染柔翰。者番醉倒更難醒。

### 湖樓晚興

眾響有時寂。環湖烟欲浮。舟搖明鏡水。人坐夕陽樓。假館煩賢主。浮家笑浪遊。百年魂夢繞。終計築菟裘。

宿春巖廉使映雪草堂剪燭話舊感賦二章

四十年來事渺茫。分明一劫小滄桑。青衫黃卷追塵夢。白髮紅燈聚草堂。過去烟雲空幻化。數來親故半蒼涼。中懷耐得更番詬。長纜過夜正長。夕陽雖欲近黃昏。趁著餘霞好閉門。可有金張長富貴。漫勞牛馬計兒孫。芳蘭品以幽香重。古玉珍惟本質存。我與我周旋最好。那堪人面借寒溫。

湖樓靜坐

日對湖山放小參。天機洗盡野狐禪。一帆不礙凌空去。惟有雲樓蓋飯船。湖中大小舟皆高檣運行。惟雲林蓋飯僧船遇風則揚帆而去。繁華已逐好春過。冷淡偏宜我嘯歌。看到倪迂真粉本。空林黃葉也無多。

贈陳文水 泗孝廉 孝廉居小螺山鄰芥子園故址昔有螺峯草堂詩集

琳瑯一集比花新。拜倒方干苦詠身。得好家居堪耐寂。是真名士那嫌貧。偶揮麈尾常驚座。不戴游冠也絕塵。芥子園荒烟月冷。小螺峯又屬詩人。

題孫燭溪中翰禮佛奉母圖

佛亦稱慈氏。孝乃是佛心。幽人抱幽痛。北堂花雨深。花雨飄彷彿。堂靜香翁鬱。奉母禮瞿曇。是母

即是佛。母默佛低首。晨昏兩摩手。婆娑蓮座。瞻見佛即見母。風木下亭。臯哀哀念劬勞。千葉蓮臺淨。片慈雲高。佛說無我偈。母念有我切。我身亦母身。心通證禪悅。

題吳補亭問道第二圖

黃其冠。玉其貌。老子非老。少翁非少。若士見之。齋然而笑。一沸五石脂。酌一升酒。十二總攝事。何

有一醉逃禪。問阿母。二瞥眼便驚白髮。駐顏難覓丹砂。商嶺遍生芝草。元都盡是桃花。三必清必

靜。道亦通禪。一瓶一鉢。佛不如仙。知黑守白。各全其天。四前圖直尋魁梧厥躬。後圖尺咫縹渺其容。

高非立異。精以參同。黃石河上原是一公。五

臘月三日雨夜宿映雪草堂

下榻深慚不姓陳。高齋幾次辱芳裯。宵長冷斷銅壺漏。酒醒孤迴斗帳春。凍雨打簷狂似雪。陰風推戶乍疑人。一詩未就吟方劇。窗外黃雞已唱晨。

還鄉述感

四十年逾一世期。故人個個換須眉。途中覲面行空過。座上稱名認尚疑。閨秀偏多誇染翰。林賢強半懶吟詩。家家都有新花樣。慢把今時較昔時。  
裙履紛張趁馬蹄。城中廣袖舞珠衣。筵

誇盛饌連宵會。酒熟羣花繞座飛。挾術士偏傷落魄。過時人強習飯依繁音滿耳。皆新響。只覺書

聲聽漸稀。



臘月四五兩日大雪連宵孫心時貽穀春巖邀同潘憲時葉古渠香祖絳圃過訪放艇湖心歸  
飲攜鶴樓分賦

雪亦愛西湖。一舞狂不止。壓白萬峯頭。襯黑一湖水。湖水平不流。湖上絕行舟。凸凹樓臺隱。依約  
橋堤浮。摩詰畫未得。昌黎句難收。景外增殊景。憑欄縱遐騁。獨樂悵影孤。招客慮客冷。不速七人  
來。勝六代為諸。猶嫌圓軒窗。敲冰泛孤艇。艇放入湖灣。西望空瀰漫。天地轉逼窄。樹木生波瀾。興  
豪須痛飲。騎鶴上雲端。登樓占高座。凍解堆冰盤。晶城多幻市。酒國無嚴寒。乍覺蓬壺近。仍訝湖  
天寬。須臾風力靜。古寺聞鐘磬。靄靄愁陰開。微微夕陽暎。羣峰學禪僧。空色參上乘。露頂半袒肩。  
環坐此如定。城頭鼓聲起。歸輿亂鴉陣。客歸我不歸。獨攬山莊勝。酒醒詩魔高。深夜有餘興。

赴孤山探梅梅猶未放

居近通翁宅。宜陪鶴詠詩。已來吟雪興。未遂探梅期。自是人歸速。翻嫌花放遲。殷勤申後約。來看  
綠陰時。

別寶石山莊

高敞西窗遍倚欄。將離鄭重片時看。冰開水面初消凍。雪在峰岫正未殘。歸里轉嫌歸夢遠。別  
湖更比別交難。主人若訂重來約。波上鷗盟定不寒。

臘月八日登舟連日大雪

天公玉戲無異術。玉龍效媚各順則。六花依樣不翻新。萬古同聲齊叫絕。只將黑白判分明。頓覺乾坤為變色。纔向西湖飽看來。空中見慣瓊瑤臺。鼓櫂初程復相值。生面更拓心胸開。後雪未來前雪等。寒藉餘威肆驕驥。飄來蓬背似有聲。望去林梢漸無頂。野曠無人踏凍痕。平鋪遙甸迷孤村。光射雙眸睜不得。回頭尚作片時昏。朝飛未止暮復落。縱阻行程我亦樂。心花狂共雪花飛。獨買村醪自斟酌。

過吳門却寄

別來白髮已盈頭。隔面相思見面羞。風雪吳江帆夜度。免儂惆悵省卿愁。

過虎邱和文水先生韻

疎林寒對寺門開。雪滿生公說法臺。池涸更無人試劍。花香慣引客啣盃。鸞簫已逐春風逝。鴉陣空隨夕照回。記得十輝橋外水。月明曾載夜珠來。辛丑春曾偕汪李二明府載酒夜遊一宿十輝橋外

臘月二十二日常州道中復遇大雪蓬窗岑寂得十二韻

雪報豐年瑞。三冬十倍加。五行頌正色。六出散真花。冷入豪華第。情深處士家。板橋人跡斷。村落酒旗遮。遙甸平鋪玉。輕冰薄聚沙。白藏溪外鷺。黑點岸邊鴉。剝磧蹲斑虎。荒枝走亂蛇。望來都是幻。生也竟無涯。身似浮銀海。舟疑泛若耶。竹沈千个重。梅愛一枝斜。風逆遲行旅。寒深逼歲華。無方破岑寂。強學詠尖叉。

丹陽城下守凍二十三 二十

連宵風刺骨。一夜水生皮。河與崖同坦。舟如山不移。突圍鯨失勇。衝陣酒無奇。太逞遨遊興。淹留却也宜。  
沿岸聚千檣。綿延百里長。歸途非遠道。殘歲阻他鄉。畫地遵嚴律。回天等太陽。臣居非水陸。笑又異思光。

鑿冰行念七念八日由丹陽至新豐鎮共四十五里

陽鳥寒翼薄。陰霾勢益增。水腹堅到底。孤聽行可憑。亂檣聚平陸。重圍困白登。陳計奇莫出。莽盪力難勝。突陣無勁旅。兀坐學枯僧。舟子苦糧絕。賈勇齊鑿冰。長篙撐滑突。巨斧劈駭稜。玻璃敲萬片。翡翠浮千層。水面鳴環佩。鷓首堆峻嶒。破浪未足逞。碎玉殊可憎。銳進勢將泮。劃然冰山崩。萬爆闕船底。短兵遞相乘。鏖戰四十里。力盡行未能。依然抱冰卧。僵如被凍蠅。耐寒固素習。忍性尤所應。歸雖遲獻歲。遊尚及春燈。况復短篷下。吟詠滋良朋。一盞陶然醉。饒他歲事仍。獨憐捕魚者。兩岸空懸罾。

除夕泊新豐鎮距京口四十五里

敲冰踏雪到新豐。沿岸村燈照水紅。江上程猶三日阻。人間歲又一年終。逢場作戲詩尤好。隨寓能安境自空。硯凍筆花寒不落。來朝天應轉東風。  
千檣林列阻河濱。爆竹聲中共賽神。酒不用賒堪盡醉。魚猶能買未全貧。掃除殘臘迎新日。耐過嚴寒即好春。何必臨風悵留滯。舟中多是

望鄉人

辛亥正月五日渡揚子江

風力東南轉。揚帆出古津。雲開初日曉。晴入大江春。斷岸潮吞蘆。遙峰雪洗新。中流聞鼓楫。波靜鷺依人。

險絕黃天蕩。英雄昔戰爭。致教風浪作。猶帶鼓鼙聲。世泰鯨鯢靜。洲寬秋草生。輸他焦處士。閱盡古今情。

歸寓園呈簡齋兄

遊盡湖山興。擔歸雪滿肩。出門剛首日。見面已經年。病去人尤健。春來詩欲仙。漫嫌還櫂晚。猶幸及花前。

顏唐

顏唐風骨強支持。怨雨尤雲總不知。老漸能參空色界。情偏難遣別離時。一簾殘雪人聲悄。半榻寒燈漏點遲。泡影荷珠雖易散。傷心未免為楊枝。

為吉光甥題求己圖

君子求諸己。己足任求索。以我憶彼意。彼非難穩度。以彼乞我憐。我應無推却。我盈彼不虛。彼豫我方樂。須思何以應其求。莫使貽譏抱佛脚。

消夏十二詠

存齋兄命作同  
作者五十餘人

曝書

不信神仙字。偏能飽蠹魚。半編經歲檢。一曬積憂除。日耀瑤函麗。風翻貝葉舒。觸炎誇坦腹。鵝炙邴隆疏。

臨帖

曉滴芭蕉露。雲箋任意揮。墨香消暑氣。筆陣掃炎威。食古心同化。含毫意入微。摩挲金石錄。滿座冷雲飛。

修琴

枯桐懸壁久。宜倩妙工修。蛇腹紋輕拭。梅花段獨留。音和心自靜。絃定意先秋。試弄南薰奏。空堂水暗流。

滌硯

硯古多留墨。臨流試洗來。黑雲隨手出。紫鳳浴波回。餘瀋魚吞去。新花水拂開。煩襟期共滌。捧石坐莓苔。

采蓮

扁舟搖一葉。相約采蓮行。入手紅芳重。遮身翠蓋輕。水涼疑暑退。香靜覺心清。唱罷凌波曲。斜陽隔浦明。

把釣

江巨村人詩稿 卷十二 十一 文明書局藏版

不作臨淵羨。垂綸息熱衷。溪邊三尺水。柳外一絲風。竿直形如定。釜忘境欲空。任呼頭不轉。且學釣魚翁。

補竹

孤竹君無偶。盧仝請客來。分行遮翠幕。添影護蒼苔。驅日臨梢過。邀風折徑回。雨餘皆可活。何待醉時栽。

試香

但是香皆好。何須定海南。心花開妙蕊。鼻觀放真參。小炷形初裊。微薰味更酣。簾垂清晝永。不為禮瞿曇。

招風

鐵笛臨窗弄。涼風試一招。未能心澹蕩。何可賦逍遙。竹等鳴添韻。花橫枝待搖。請君回廣莫。為我掃陽驕。

侍月

偏是乘涼夜。姮娥駕緩移。望從將夕候。坐到越更時。衣上潛沾露。花陰漸漏枝。照來人已倦。未免怨來遲。

避蚊

難選高齋勝。金樓子云荆州盛夏惟高齋無白鳥餘齋則聲聚成雷無方可避蚊。向明厨更置。未晚室先薰。強著衫襟重。頻將几席分。移牀風外卧。雷陣尚遙聞。

辭客

夏日人俱畏。何堪刺漫操。豈惟容我懶。兼亦惜君勞。良會秋非遠。相期暑且逃。慢敲蓬戶響。驚起野雲高。

留春館題詞為陳岸亭明府作

我識陳驚座。高懷迥絕塵。玉關參秘訣。金粟認前身。岸亭善引導術兼有和尚之號敢縱談天口。羞為逐隊人。餘情消未盡。花館自留春。

長夏晚興

逃炎無避處。盼得到黃昏。傍竹橫鋪榻。隔花深閉門。境空生月魄。涼定醒詩魂。坐至星沈候。蕉衫濕露痕。

納涼即景

院敞簷高夜景清。胡牀雜坐洽閒情。樹搖知有微風至。雲急翻疑月倒行。誕說新聞誇詭異。遞徵舊事各分明。熱場換出清涼境。一脫形骸萬慮輕。

今年六月二十日作



今年春事太倥傯。燕去鶯飛幾日中。一朶草花留不住。能無錯怨五更風。老懷只可付蒲團。青色分明有亦無。笑指巫山雲散盡。夕陽影裏一峰孤。

過陳耐齋藥園

小小開三徑。深深隔四鄰。無心真學圃。著手自成春。疎竹宜君子。時花當美人。只愁持柄叟。不似灌園身。

戲贈陳岸亭大尹

壬子年

鄒衍口瀾翻。談天滿座歡。多情方是佛。無膽莫為官。詩闕十篇富。氈餘一片寒。菟裘猶未築。傳舍辟園寬。

大尹築園於蕪關河溪極游覽之勝

病中送春

衰年容易病蹣跚。簾內無風也覺寒。身在圖書堆裏卧。花從兒女鬢邊看。景過正午行尤速。夢到殘春醒亦難。最是今年相送劇。未曾一日倚欄干。

病中作

一卷殘書倦莫開。藥鑪茶竈日徘徊。未工逸樂人空老。正賦窮愁病又來。眼冷名場洋世界。心空海市幻樓臺。何須苦說無生法。冰到東流定不回。

題畫

幽人遠塵世。卜築翠微間。到枕遙聞瀑。推窗正對山。顏隨紅葉改。心共白雲閒。不是漁樵侶。柴扉鎮日關。

長夏閒吟

心絕貪痴便裕如。紅塵堆裏足幽居。門雖近市常羅雀。池為栽蓮不養魚。遣興偶為人作畫。課兒因得自溫書。時移筆硯迎涼坐。賴得清風尚有餘。

紅豆村人詩稿卷十二終

紅豆村人詩稿卷十三 癸丑

錢唐袁樹齋亭

二月初十日作

紙閣香消冷碧紗。雲為傳舍夢為家。今年春色來偏早。未到清明柳已花。  
時吳姬方卒

偶興

今年春較往年早。二月便驚有花老。未過穀雨牡丹開。家家簾幕笙歌繞。老夫興致半頽唐。園內花臺荒不掃。兒童手採天香歸。插向膽瓶媚清曉。歡場千叢尚嫌少。冷席一枝看更好。

對瓶中牡丹有感

屋裏無春意。瓶中見牡丹。白頭三月暮。紅粉一枝殘。煮茗參香味。垂簾護雨寒。散花人已去。假色當直看。

友人招看牡丹病不能赴走筆答之

壯歲逢花酒。心旌百尺高。老來情易淡。貧至興難豪。豔怕聽吳曲。閒惟賦楚騷。蠟燈誇射覆。未敢關

分曹。李商隱詩分曹射覆蠟燈紅  
宋祁詩覆食花影關分曹

愁緒

愁緒如飛緒。東風掃不開。藏書猶有室。避債竟無臺。雨寂閒拈韻。春寒懶舉杯。輸他蕉葉卷。一夜展

輕雷。

陪簡齋兄小眠齋看牡丹

纖塵飛不到。曲室繞晴風。叢竹環三徑。群花捧一翁。名能驚海內。身祇卧山中。清福消如此。人間幾箇同。

晴窗書感

蘆簾寂靜似虛堂。高啟明窗畫景長。樹色映人迴綠鬢。花枝倚檻當紅妝。鼓來斷瑟難成曲。讀到殘書尚覺香。蝶化莊周周化蝶。一場幻夢醒斜陽。

知交

知交一半傷零落。却也魚箋次第收。雙腕已隨人共懶。得書歡喜答書愁。

綠陰清晝

叢樹壓重簾。濃陰沉几席。推窗雙眼青。人面一齊碧。幽鳥靜不鳴。飛塵動無迹。不見蔓綠華。斛珠空歎息。

春宵獨坐

一卷書殘眼倦開。青燈獨對影徘徊。鼠潛登案欺人靜。風暗掀簾訝鬼來。囊裏玉簫空挂壁。塵封鸞鏡尚安臺。宵寒怯就孤幃卧。珍重鄰雞莫亂催。

獨漉篇

獨漉復獨漉。水深沈復濁。水深濡人首。泥濁汚人足。解塞馬不離羣。越禽不孤鳴。但是有物皆有情。  
人生那不重友生。解古井無波。長松有節。道義之交。不寒不熱。解雨來花落。風過萍開。影聚影散。  
何嫌何猜。解四烈士勿頸。達士亡機。雲龍金石。相逐不移。交不耐久。奚用交為。解五益財損神。生名殺身。  
彈冠戴笠。各存其真。解六

贊言十九首

蓬島神仙窟。多在波濤間。秦皇與漢武。殫力思追攀。神山不可見。妄論山中仙。古來神仙跡。多是未  
死事。及其羽化後。了不與人異。小說事穿鑿。妄誕著神奇。徒能駭世俗。傳信空傳疑。佛教驅

邪魔。道法鍊真性。借以斂侈心。亦可守正命。聖人謹幽獨。明衣慎齋居。名教有樂地。吾自安吾儒。竟  
欲學仙佛。無乃先自愚。仙佛未易學。隱士不可充。託身大遠廬。何以相始終。下士甘進潛。大人競虎

變。三萬六千場。一瞬過流電。高山盧君堂。柴桑陶令家。不仙亦不佛。萬古生雲霞。青門種瓜  
叟。曾是東陵侯。桓桓飛將軍。不免郵亭羞。從來變化機。最是風雲速。神龍隱首尾。蒼狗倏面目。不辨

雲霓情。安免溝壑辱。所以百忍翁。藏身如蜩縮。喬柯延萬籬。柔條得上伸。布葉騁高勢。弄花嬌  
陽春。蔓紫恣攢簇。婉轉肆縛束。萬籬漸敷榮。喬柯如槁木。尾大便不棹。寔後難跋胡。惟勢不可假

防微慎厥初。凌霄附修木。倚勢耀高華。俯視小群卉。高褰騰飛霞。但豔青陽好。安計紅日斜。一  
朝秋風起。花葉齊披靡。柔條束作薪。曾不如桃李。渭濱釣璜日。海上牧豕時。亦自甘淪寂。風雲

會。有期。乘時出經濟。溥海欽羽儀。悠悠嚴子陵。披裘富春渚。帝座一伸足。飄然事霞舉。惟士各有志。出處安足論。跡同趨各異。千古名兩存。有形便須化。有影亦隨滅。惟有身後名。流風吹不絕。

無行名不立。無實名不存。大者薄雲日。勲業為世經。天下想風采。畢世欽儀型。讓可千乘。棄死或

鴻毛輕。小者弄柔翰。雕蟲技各呈。修文誇海富。造語期天驚。亦自潔修飾。豈盡盜虛聲。萬古人盡

沒。萬古人如生。所以三代下。惟恐不好名。浮生尚虛寄。榮名安所寶。駐景鑄顏難。行樂尤須早。行

樂亦無方。適志便為好。世路有通塞。風日無假真。半畝半弓宅。一花一草春。我輩期不朽。千秋太

無人。即使幸流芬。我已無知聞。及時一杯酒。身後何足云。智判塞翁馬。機忘海客鷗。青天馳

白日。大地走黃流。何無亦何有。萬古空悠悠。高山少坦途。康莊多陷穽。跬步慮顛危。結駟慎馳騁。

蠹生緣物腐。桂焚由自香。白額與兀鼻。無用乃大祥。昨夢葛稚川。導我遊天台。肩橫紫藤杖。

足踏青稜鞋。初登赤城頂。遍歷兜率臺。指點三桐柏。仰俯空九垓。為言晨肇返。玉洞封莓苔。流杯

不復出。桃花猶自開。我謂二子愚。畢竟非仙才。既登在樂境。何遽首重回。歸訪七世孫。不如不歸來。又

謂二女幻。使人費疑猜。良緣既締合。中道不應乖。如何一送別。便自迷津涯。緣盡情自絕。愛弛色

為衰。星不明。到曉燼落便成灰。色空空色界。理固如是哉。以之叩葛翁。翁為大拈掌。汝既識機關。

便應息妄想。破鏡不重圓。勝境已再往。執杖化蒼龍。乘之神悄然。醒來雙耳中。尚聞飛瀑響。

花枝舞池上。影落波面飄。波光射石壁。倒影壁上搖。壁影即波影。波影映花明。花無兩。里能。影弄



無窮形在虛翻似實無色能有情。人無身外身。癡戀影中影。落日歛光華。大夢猶未醒。人生有

骸軀。本自無而有。來惟裸四肢。去仍空兩手。身體髮膚外。何物非敝帚。卽此髮膚身。千霜同一塵。

魄。僵魂作鬼。鬼亦誰見真。至人破玄機。超然駕仙馭。不聞飛化時。携帶一物去。飄飄丁令威。化鶴

一來歸。城郭雖如故。人民俱已非。浮雲不留影。虛花不成實。前年金張第。今日蓬蒿宅。轉足舊路

迷。欠伸前夢失。愚哉牛山悲。孔劇相從泣。貧固士之常。儉乃德所美。沐猴而衣冠。麒麟植尤

恥。適體自文章。充腸卽甘旨。少年不解事。刻意務華妍。服飾異常度。風致誇翩翩。葫蘆畫未就。新

花樣又鮮。徒飽工費輩。居奇日變遷。人有幾分福。家餘幾貫錢。飾外而絮內。於身何有焉。不見齊晏

子。一裘三十年。杜衍居南都。減從絕世情。綈袍不敢易。恐竊高士名。蕭儼還鄉里。虛懷披素

襟。謙恭接故舊。啟口仍鄉音。富貴水中月。聲名身後塵。我不與我絕。人亦與我親。舊樣作新花。繁絃

彈雅調。失步壽陵子。徒貽邯鄲笑。異哉雞神童。七歲便趨捷。能解鳥語音。善與人晉接。乘好弄

木雞。拜舞雲龍門。召入雞坊隊。五百小兒尊。智識雞強弱。巧辨雞疾疴。將雞如將將。一一聽號令。

特達邀殊恩。賞錫等貴宰。十四錦襜褕。龍雞隨鑾輿。又死泰山下。乘傳挽喪車。遂令天下豔。歌謠盈

路衢。不用識文字。鬪雞勝讀書。材技無大小。投好便見好。個儻魯仲連。不肯帝強秦。一見辛

垣行。片語息烟塵。雄才排患難。高義薄蒼旻。東海尚可蹈。千金何足珍。堪笑平原君。徒以利謝人。

超超揚子雲。矯矯雲中鶴。長楊賦空獻。草玄甘寂寞。老乃不曉事。校書天祿閣。奇字傳未終。投

江五寸人詩高

卷十三

三 文明書局藏

身如隊鵲。雖邀寬大詔。難免歌謠謔。良士貴知機。良禽擇棲託。迹跡易全軀。高處難立脚。冰心倚  
燭山。散材榮好爵。盛名不自愛。安能免中落。嶽峻群山拱。海闊衆流趨。各以勢相逼。因之分亦  
殊。無源淺渚水。無峯重阜邱。漁餘資灌溉。樵罷牧羊牛。但見澹溝洫。未聞祀部婁。高深日豐盈。卑淺日  
剝削。趨盛不趨衰。扶強不扶弱。亦由勢難易。冰關人厚薄。何必凌丹闕。神安卽吾鄉。何必慕  
淨土。心清卽道場。何必青精飯。藜藿可充腸。何必朱紫衣。菱荷亦為裳。幽花自有態。小草亦能香。  
榮華春木色。顯萃秋典常。所惜駒行速。無艾揮魯陽。安能跨鵬背。騰身虞淵翔。折取若木枝。拂任西  
頰光。四時多佳日。逍遙以相羊。

賣鏡

雙鏡七尺高。携歸自海外。明如兩泓水。炎涼無變態。望去虛堂深。照來人影大。藉以鑑心形。盍止正  
冠佩。魑魅宵遠藏。黻黷日靜對。忽而舍之去。怛怛感五內。未破上天飛。重圓事難再。劍靶宋郊喫。  
冰簟王恭貸。尺璧未足懷。寸珠常割愛。明月易就虧。好物難常在。祇當不堅牢。一笑琉璃碎。

秦淮夜游曲

江潮入城淮水黃。金陵遊子舉國狂。晚來簫管分隊出。燈船亂奪星月光。上遊婉轉桃葉渡。下遊寂  
寞清溪里。絕無勝概湯胸襟。祇藉歡呼引羅綺。羅綺滿高樓。亭亭樓上頭。情絲下香餌。遊魚齊上  
鉤。興盡迴舟良夜永。綠楊風起欄杆冷。笑笑聞聲不見人。碧紗窗戶明燈影。

夢遊行

憶昔雄伏時。期振雲霄翼。夢跨大鵬背。負我凌八極。翱翔凌寥天。一氣空濛碧。俯首視塵寰。約畧辨形迹。四海一勺水。五嶽數拳石。亂齋低若林。群蟻紛聚隙。中央一撮土。是為人安宅。不覺發長嘯。因之三嘆息。以頽叩天關。願分瑤華席。玉女亂搖手。君非此中客。道逢希有翁。授以青竹冊。謂能學蟬脫。亦免隨雷滅。我心又不然。長跪妄陳說。雖解萬化空。未息五情熱。寂寞壚守丹。何若門列戟。富貴非我願。聯戲亦快適。翁乃掉頭去。我亦轉鵬翮。遨遊九萬里。虞淵日未息。忽被罡風吹。一墮如輕擲。木天登無門。丹汞煉無術。人爵徒營營。得寸已失尺。獨留雙眼青。空驚二毛白。累累負室家。惻惻擾心魄。不復遇洪堦。更誰肩一拍。

望遠曲

佳人臨鏡驚春晚。愁長更惜韶光短。花片紛紛簾外飛。不為風微落稍緩。十年九載別。萬金一紙書。潯陽江深東流急。不信中無雙鯉魚。鯉魚不來空引領。金錢卜盡寒燈影。

代贈

青溪容易日西斜。戶戶雙烟燦紫霞。但認櫻桃花一樹。釣魚深巷是兒家。

相逢行

尋春入狹斜。相逢油碧車。香風引蝴蝶。手弄櫻桃花。相憐不相識。秋波送流霞。歡擁博山爐。儂進餘

醞酒冷暖在懷心。香甘悅歡口。春去春來春自新。東風換盡章臺柳。

悵春歸

盈盈望春至。脈脈送春歸。白駒難挽青陽駕。落花無風亦亂飛。深閨思婦愁如織。呢喃日共燕雛語。欲訴春愁春不知。空階猶滴黃昏雨。

送友人遊楚

漢江之水日夜流。洞庭木葉春復秋。天南勝境數三楚。古來名士多淹留。我久蹤跡半天下。雙足未踏鸚鵡洲。因君此去發長想。黃鶴樓頭玉笛響。冷翠寒裳蘭芷香。清尊賒月芙蓉漿。羨君能飲復能詩。舉觴擊節兩相宜。珍重玉山莫輕倒。重教笑殺襄陽兒。

悼吳姬 并序

姬姓吳名蕙。字相佩。號香宜。皖之桐城人。年十五來歸。年二十七而卒。側室無行述。爰為詩以存梗概。璞質無文。誌悼而已。

憶卿來歸日。春宵斗指東。盈盈年十五。出水豔芙蓉。腰擬楊枝瘦。面乃玉環豐。對鏡日聯璧。步塵月遺弓。殷勤事大婦。閨門日雍雍。伉儷悵中失。小星忽移宮。志士辛通籍。不覺露銜鋒。便了有俠氣。絡秀鏡英風。固由肯學習。實亦心明聰。莫不藉博士。記不煩書傭。咄嗟事立辨。談笑猶從容。居然勝健婦。展舒若遊龍。玉重以溫栗。晶好以玲瓏。刻意親翰墨。餘伎薄絲桐。暇即手一卷。孜孜窮第三。

冬唐詩五百首。如珠貫心胸。高吟明月夜。韻繞梁塵空。弱腕寫竹筴。健筆畫蘭叢。有時賦小律。一  
句兩句工。敢執弟子禮。師事隨園翁。翁喜加獎厲。留名詩話中。深憐我衰老。服勤意猶濃。知我耽繪  
事。磨墨代書僮。伴我長夜讀。背燈理殘絨。知我厭瑣屑。勸我學澆壘。常時椎作髻。或夢腹生楓。長兒名  
阿端。嗣弟如柏松。次兒名阿伏。娶媿猶童蒙。檀女更嬌小。翩如花間蜂。繞膝弄兒女。持羹值困  
窮。難為無米炊。愁憤交相攻。常恨不巾櫛。雌伏輸英雄。我時撫之笑。汝志良非庸。顧我首全白。奈汝  
顏正紅。恒恐卽霜露。難以庇汝躬。豈期杜鵑血。先染可憐蟲。蟲以嘔血症亡一病知不起。盧扁悵無功。殷  
殷檢詩篋。切切屬私衷。聲咽淚不下。氣絕戀未終。對面人萬里。傷心泉幾重。魂小風應怯。悲來訴  
何從。不撤琉璃匣。任從塵網封。虛肩阿閣戶。或冀潛幽蹤。懷中歡既歇。夢裏影或逢。彷彿作圖畫。  
依稀記形容。不知夜臺下。可有微波通。

夏日書懷

門掛藤蘿十丈長。紅塵堆裏白雲鄉。劍因藏匣鋒全斂。琴撫無絃曲也忘。帶露折花東閣曉。迎風  
攤飯北窗涼。黃門謂午睡為攤飯。陸放翁詩攤飯閒眠夢蝶牀。不為旒纓趨炎客。亦足科頭未是狂。耳學癡聾舌卷  
鋒。何妨埋首作書僮。石湖老去詩尤澹。懶瓚閒來畫未慵。酒轍固然思活水。浮雲且自看奇峰。日  
如小歲心如定。靜待西山響暮鐘。

晏起

門闌過客稀。曉涼酣睡足。日晏起書帷。庭草上階綠。

感暑露坐

避暑無長策。露坐到中宵。風任呼罔應。樹入定不搖。月灑碧波灑。星逼青宮高。迢迢視河漢。雲薄無纖濤。徒驚砌下蟲。未秋已先號。胡床坐欲折。臨叩渴難消。入耳心勿清。鄰家吹洞簫。

酷熱不寐起坐達旦

六月十日

分明合歡牀。變為獨眠榻。衰骨撐孤幃。清絕紛還。蝴蝶識莊生。繞身易周匝。無賴驕陽子。逞威到幽閣。牀第肆燈原。肢體若摧拉。宛馬汗橫流。河魚目難合。急起出重圍。披衣拖草屨。猶恨子夜長。安得層冰躡。危坐剔孤燈。既無朋簪盍。拭眼理殘書。復苦蟲蚋嗜。開門坐前墀。頓覺清風颯。深草流亂螢。荒池吠羣蛤。欣聞柳啼鳥。驚起蒼睡鷓。東方影漸高。生氣開閭闔。自然入呼吸。未須習吐納。一息判炎涼。六情斂煩雜。清空參妙香。熱場真嚼蠟。問我何會心。我亦無言答。

偶興

不用闌蓬戶。任從塔草滋。牀頭金欲盡。門外客先知。長日虛琴榻。花落空酒卮。梧桐心最冷。偏是興秋宜。

夜靜賦雲氣

六月十日

夜靜群動寂。露滴清華潔。星臨屋角搖。螢繞井欄滅。金鏡一輪滿。玉宇冰堂徹。五體自生涼。三伏



何曾熟。偶覺衣減。纔舉頭。忽叫絕。層雲起長空。疊浪風洄折。明月出水底。反射濤頭白。銀漢斂輕波。碧海堆殘雪。慘澹隊瑤池。玲瓏霏玉屑。奇景自天成。目覩方真切。黃塵多夢魂。明日向誰說。

謝山人贈花

鵲噪窗初白。柴門尚未開。山中人起早。帶露折花來。

策馬出東門

策馬出東門。去。何所適。山容學人面。滿目蕭條色。霜葉可憐紅。潭水無情碧。披襟冷露侵。仰首雲峰隔。寄言遠遊子。長裾慎輕曳。宜為夏日蟲。莫作秋風客。

江干送友

一鴈唳霜天。驪歌唱別筵。銜杯石城下。落日大江邊。去艇長風便。到家秋月圓。勞勞亭外望。極目渺寒烟。

蘊山甥為置竹夫人口號以答

連朝酷熱宵難臥。空負桃笙簟竟牀。今夜不愁眠不穩。白頭翁抱綠筠娘。

詠竹夫人

未堪婢子學夫人。耐可青奴侍枕衾。要祝平安如妾願。偏於冷淡得郎心。眠分冰簟慙何篤。抱入陽臺戀亦深。祇怕秋娘來奪寵。白頭紈扇一同吟。



詠竹夫人分體七排六韻得裳字

羞將雲雨惱襄王。鎮日橫陳夢蝶牀。但願郎情常似水。須知妾鬢不愁霜。扶來免解雙珠佩。睡去常留半面妝。三伏偏宜枕親席。五更未用著衣裳。韻輸筠管能調語。體滑湘波自有香。生就玲瓏心耐冷。縱相思也少迴腸。

雨花臺下訪傅丈耕心不遇

步出長干道。閒尋處士家。蕭條今里巷。零落舊烟霞。正見霜飛葉。空聞雨落花。伊人杳何許。落日滿蒹葭。

答穆邵州問近狀

劇來耽靜息。戶外即天涯。一任門書鳳。從教壑赴蛇。晴窗閒讀畫。雨砌自移花。好是閒風月。無錢任我賒。

山溪夜泛

送客轉歸櫂。夜涼溪色深。峰拖殘月下。水帶寒星沉。黑近潛知寺。青浮漸辨林。襟懷自飄逸。未洗別離心。

晚雨初霽露坐納涼姬人以琥珀酒進戲成短律

一雨炎威靜。疎風滿院清。金星先月上。銀漢近秋明。燭用玻璃罩。杯將琥珀傾。今宵羅帳裏。不更

負桃笙

江行晚興

鼓櫂出芳洲。沿河逐野鷗。客程難計日。江色易成秋。碧樹隨山轉。青天入水流。夕陽纔墜影。新月已懸鉤。

曉起獨步寓園

一二烏啼樹。兩三星在天。花含清露笑。柳抱濕烟眠。觸目饒生趣。忘情澹俗緣。疎風還有意。吹我葛衫偏。

蕉露吟并序

簡齋兄於山中植芭蕉三千株。日採蕉花百朵。吸其甘露。謂自懷間有飄飄欲仙意。爰為之賦。

隨園山人心如鏡。不鍊丹砂不言命。胸中沆瀣納已多。一生自率道遙性。竭來有客示良方。蕉房釀露如瓊漿。不須瑤草十年植。絕勝菖蒲九節長。山人愛此含英露。不是稀苓飲何誤。採來有朵日未晞。滿盤綠玉噴香霧。不用花間挈玉壺。一呼一吸飽醍醐。香生五體風生腋。勝嚼梅花讀道書。乃知零露卽仙液。多是金盤和玉屑。長生藥自在塵寰。何須海外求真訣。山人本自列仙班。偶因遊戲到人間。萬辦青蓮開舌底。一口紅霞當早餐。松高成蓋自難老。鶴止凌霄那便還。洞口芭

蕉三十丈。小蒼山即點蒼山。山人少時恒夢為老僧。入一山。名隆高峻。直造其顛。僧曰。此點蒼山也。山多白猿。各據一石洞。而棲。僧指一空洞。示曰。此是汝宅。久當來還。

簡齋兄馳送蕉花甘露來。札云。願即吸之。將來一同白日飛昇也。因賦詩以謝。

初日瞳瞳燦曉霞。敲門驚起樹棲鴉。平頭奴子飛箋報。一盒芭蕉帶露華。叮嚀開盒便須餐。

略緩須臾露已乾。自古成仙在頃刻。莫教福薄走金丹。莊周何必賦逍遙。一飲醍醐萬念消。

分與全家兒女喫。也呼雞犬上雲霄。不是神仙已是仙。兄勸明月弟耕烟。更期三萬六千日。騎

二茅龍共上天。

寄陳文水孝廉并令弟青波

千里望鄉國。一水間東吳。鄉心寄明月。飛夢繞西湖。湖頭訪故人。落落晨星少。疑是鶴歸來。小劫餘華表。夫子邁芳蹤。潛身小螺峰。碧澄古井水。蒼翠幽澗松。胸羅珠貫宿。手運斤成風。令弟亦翩翩。五字長城堅。共捧孝先腹。聯吟康樂篇。瓠巴久已沒。空撫清霜絃。人生不稱意。萬化隨機緣。性天得真樂。寂寞亦神仙。一別倏三秋。風急鴈程緩。見面既已難。何由訴情款。我自近年來。境困身蕭散。詩興自閒生。腕力因衰嬾。草數行書。情長語翻短。秋風又西來。吹我夢魂斷。美人不可期。清樽為誰滿。好寄壘虎吹。譜入江南管。

疾風雷雨

伏暑陽驕甚。相持激大風。海雲奔浪黑。雷火掣鞭紅。礮急崩簷瓦。旂翻折井桐。須臾威勢過。涼意

付衰翁。

傷老

人言我老矣。我心竊疑之。老先在耳目。能聽能閱詩。老或備手足。能書復能馳。長日頗健飯。終歲不延醫。但嫌鬚鬢改。未覺性情移。人老我能見。我老我不知。偶然對鏡坐。看見人一個。滿頭霜雪堆。撲面塵氛埃。齒落吻兩凹。背頰睫雙墮。眉脫無底言。頰縐墨硯。癩簇堆尾交。紋皺披麻瑣。此老大可憎。何堪置吾左。回視別無人。驚知竟是我。吁嗟吾老矣。始信人言果。憶昔少年日。玉笋班添陪。得果常盈袖。尋花不用媒。中年感儀表。磊落出風塵。常學徐公問。中外言無乖。亦時持鏡照。顧影自徘徊。鏡猶此朗鑒。人忽異胚胎。故我何處去。今我何自來。分明歷小劫。已轉一輪迴。我尚不自識。安怪人嫌猜。落花無再馥。流水豈重回。惟此長吟心。一寸終難灰。

不寐

老覺孤眠好。輕綈卧嫩涼。帳開蚊繞枕。窗破月登牀。青管全無夢。白雲空有鄉。苦敲詩律細。未覺漏添長。

夜坐寓園有感

園係典質故有末句

幽園僻在草堂東。夜色荒荒萬籟空。池歛澄波星際底。樹籠直影月當中。劇憐鬢向他鄉白。可惜花看廢苑紅。燕子年年自來去。不知誰是主人翁。

莫愁湖棹歌

莫愁湖荒涼久矣。癸丑夏，李松雲太守捐俸修之，遂為金陵第一勝境。太守自作棹歌二

十章，徵同人共和，勉和十二章。

莫愁湖在水雲鄉，歌舞當年草木香。可惜風烟近零落，鷓鴣飛上鬱金臺。太守風流李謫仙

湖山當作美人憐，傾囊不惜捐清俸。金粉裝還六代前，常時夢繞湖邊樹。今日方為湖上游。一

鏡晴波光潋豔，照人先已展眉頭。淨洗烟霞勝境開，樓陰依舊水深洄。清涼山翠排窗入，可

是圍棋賭得來。相傳明高皇與中山王圍棋賭墅，因以湖賜之，故湖上有勝棋樓。六朝遺跡半成塵，惟有雲烟萬古新。多少

名山僧占盡，一湖讓與畫眉人。北岸停桡望梵宮，樓臺高下遠浮空。分明小李將軍畫，挂在

冥蒙烟靄中。幾灣松竹間垂楊，披葉萍花蕩槳香。水鳥也驚湖色改，飛來都學野鴛鴦。海

鷗雕梁久寂寥，澄潭波綠自生嬌。多情不似秦淮水，慣洗胭脂送晚潮。萬頃江蘆列遠汀，浮

烟搖影動孤亭。蘆花也解莫愁意，秋暫白頭春又青。中山遺像壯規模，湯沐傳聞賜此湖。

輸與盧家占高雅，只收風月不收租。至今湖上魚租為徐氏取收。舊跡從新畫舫宜，棹歌唱出滿城知。柳條

先與東風約，共待來春颺酒旗。一時文酒共招呼，齊向湖邊覓畫圖。休問西湖形似否，蘇公

到處有西湖。

莫愁湖樓落成松雲太守招燕湖上即席四首

喚醒莫愁夢。招邀續勝遊。六朝餘粉本。千載溯風流。眼豁天邊樹。襟開水上樓。最難近城市。佳境闢清幽。  
沙塘閒泛艇。湖面得秋多。細浪搖青漢。浮嵐倒碧波。扣舷驚野鷺。迴榜避殘荷。各有新翻曲。臨風發棹歌。  
繫艇仍登岸。高臺俯碧巖。山根藏雉堞。樹杪出江帆。盛饌傾庖進。深杯任客銜。座涼因水近。時欲換秋衫。  
崇賞情方愜。西峯日欲斜。魚思吞過餌。蝶戀舞餘花。叢樹碧沉霧。半湖紅映霞。嚴城防早閉。與馬亂歸鴉。

秋郊晚步

秋容彌曠野。落日網疎林。鳥度寒塘夕。僧歸古寺深。扶筇隨緩步。看雁引遙心。倚石方搜句。沙蟲先我吟。

伏兒五歲禮女歲

失恃雙兒女。悽悽繞膝前。苦依爺當母。益以痛生憐。愁媚求朝果。痴啼攪夜眠。穿針纔學縷。識字僅盈千。待汝成何日。知余撫幾年。平陽思最切。宗武愛常偏。襁結誰家彩。絲調何室絃。縱然能長大。難免歷途邇。不恨渠黃口。多傷我老顛。萬情能擺脫。二稚獨纏綿。

秋日過烏龍潭

蘭若隱深邱。殘僧盡白頭。懶雲常在戶。定水不驚秋。釣渚雙鷗逸。禪堂一磬幽。神龍藏首尾。潭影自悠悠。

九日偕桃姬川年丈登雨花臺

扶筇同上翠微巔。六代雲山列眼前。古刹廢來猶劫火。臺側道煨天花飛盡剩秋烟。萬家瓦屋連城伏。一線長江隔樹懸。笑任西風吹短髮。接羅倒著不妨偏。

秋宵偶興

獨影對長夜。攤書坐越靈。敲窗孤葉落。近榻一蟲鳴。細雨飄殘漏。寒花暗短檠。無方慰遲暮。祇可學忘情。

秋夕聞鴈

九月二十日

月冷燈寒夜館清。橫空嘹唳鴈初鳴。在家不是羈愁客。却也驚聞第一聲。

莫怪

長日閉門居。盈階草不除。周旋三畝宅。坐卧一床書。境絕謀多左。愁空心轉虛。自緣生性拙。莫怪世情疎。

聞陳耐齋出守常德寄贈一首

白頭勿復憶華簪。奮翮如鳥去林。三載久低需次首。一麾聊慰出山心。馬迎旌旆荆門曉。權入烟波楚澤深。採得相蘭香滿袖。更從漢上續題襟。熊車重整駕來輕。此去懸知化易行。曾在旁觀評政要。好從當局體人情。松能偃蓋何妨老。山到成峯自有名。但囑羸裘仍宿願。莫教樂圃長



荒荆

公於室後築有樂圃極幽靜之致

送姚姬傳比部歸桐城

驪歌高唱出江城。草草裝裝落葉輕。垂老每多兒女累。時比部以深秋難遣別離情。風吹短棹行

宜速。月照歸帆色更明。隔歲來遊重相訂。百花開處待聽鶯。女婚事歸

雨花臺側訪補蘿山人墓

孤塚立荒阡。雨花空滿天。幸留書畫在。強似子孫賡。松柏成今色。鬚眉想昔年。白頭餘老友。歲掃

墓門烟。山人無後嗣。每歲春秋。隨園家兄為之燒墓。

松雲太守招同王夢樓先生張雪鴻明府重集莫愁湖樓卽事成詠

匝月重尋遊。商飈換湖色。林深葉乍紅。潭澄水逾碧。天邊西北風。座上東南客。逸氣拓襟懷。秋空

澹形跡。舊雨話當年。新詩吟四壁。興來縱豪情。各自據胸臆。右軍駢筆鋒。僧繚酌畫格。夢樓先生大書聯額

雪鴻明府擬定圖稿青松雜黃精。同甘法喜食。夢樓先生不茹葷鐘動天香飄。烟光坐來夕。列岫歛遙青。殘蘆擁虛白。

勝境足流連。嘉遊欣屢得。還期明月夜。來拂湖邊石。

當事有以疎於晉接見責者聊賦為答

龍鍾只可掩柴關。非是疎狂怕見官。黃綬解來懷刺懶。青鞵踏慣著鞞難。過時未免言辭拙。

垂老偏增骨相寒。欲賦劍歌空老笑。不如長缺自家彈。

冬初偕王石長司馬王柏崖少尉散步隨園

山人非隱遯。家裡有濠梁。谷靜霽蒼蒼。冬初餘秋光。橋堤緩步宜。襟期久坐爽。隔林啄木聲。破水  
琴禽響。幽徑僻尤好。逸情閒乃多。自非不厭客。誰解時相過。西峯夕陽沉。古寺魚鐘暮。相送出  
柴扉。人影亂輕霧。

代魚道人答岑嘉州卽用見寄原韻

寶筏不可渡。萬古塵盡嘗。玉貴守真璞。器損為觚稜。開窗能見月。在家亦是僧。清機曉露浥。夜氣  
暗香凝。風搖葉易落。水定潭自澄。我自我在名。豈藉名稱鑑。朗辨千劫心。明惟一燈。但能穩立  
脚。自然參上乘。佛說本無說。了了證相應。

贈張山人洽

紅埃散空花。白首隱深澤。靜參一指宗。打開五蘊偈。還將賣畫錢。買得棲霞宅。雨弄吟詩朝。月冷  
彈琴夕。枕畔聽鐘聲。城中絕履跡。雙管掃天青。隻眼對人白。秋水明畫禪。烟雲壽逸客。蒼蒼嵩  
山圖。水鎮山門寂。我亦滄塵緣。衆累苦未識。何當斬六情。同杖空山策。斯人難等期。孤松立寒巖。  
卜築棲霞寺側自作嵩山圖為生平得意之筆施懸寺中

醉別二首

酒熱遊興高。酒醒別淚下。乘醉昌西風。揚鞭急走馬。  
馬走初程疾。山遙路去遲。離言悔未盡。

旅舍酒醒時

隱仙庵訪彈琴道士不遇

仙隱庵猶在。門關日欲曛。幽禽驚野客。山犬吠流雲。桂老留餘蔭。桐枯拂斷絃。清商響空谷。如向指間聞。

有感

榮枯皆是幻。衰盛不須疑。水擊當衝壑。風推出頂枝。月難終歲滿。山豈任人移。耐過嚴冬冷。春歸自有時。

戲作打油四詠

雨織

歎息晴天用不行。陰時爭向手中擎。可憐遮得人多少。雨急風斜尚苦撐。

風箏

祇緣立脚欠堅牢。雲裏翻身霧裏飄。安得長風吹線斷。更無牽挂入空霄。

竹夫人

專房寵欲並夫人。只惜相親已負春。多少有名無實事。巫山雲雨洛川神。

木老人

登場便是笑龍鍾。強勉猶稱不老翁。一任少年人擺弄。羨他生就是痴聾。

踟躕行九首

踟躕復踟躕。中腸轉轉破船下。奔流載重勢難緩。老翁攀枯枝。一墮誰堪挽。復地自坦仰天。天自青。豁達在心目。艱難泊性靈。如羊觸難前。如雞足雙縛。雨枝花亂飛。風林葉紛落。問心指虛空。不知何處著。

伏處經八載。問年六十三。薄田耕江北。華屋賃江南。自率道暹性。恥為名利貪。年

衰與多減。量窄飲不酣。只期退飛鷁。常為臥箔鷄。堪晒尚耳輩。謂我澁肥甘。蛩聲日唧唧。虎視恒眈眈。我心靜如水。明月照空潭。

修得為人身。使有養養。民物尚胞與。何況親與戚。盡自作了

漢。雖生愧獨活。我生同懷人。五人四歿折。遺留孀與孤。捨我便何道。撫孀兼恤孤。各與成家室。孤竹易生筍。良田多結實。浸浸歲月深。遠屋森林列。八十三丁口。莞莞共朝夕。更有貧眷族。升斗需潤澤。一木撐廣廈。群星逐殘月。不惜支持苦。祇憐光彩滅。分花非春心。析產無厚力。斧眾樵山空。

汲多掣泉竭。暮景迫殘冬。吞聲咽風雪。

困極薄株守。計將作朋求。雲峯既轉夏。人面先變秋。

才智半天下。救窮各無謀。放齒徒自恣。舉足當誰投。姑學信天翁。飛蟲不入喉。欲奮摩空翼。長縮難脫鞵。一身避人處。衆面環我愁。愁寬天地窄。五岳起枕頭。

家人強畫策。勸我復彈冠。豈

更慕榮顯。微祿庶可干。稍以避擾攘。聊以資養殮。勝閉愁城坐。白日空長歎。達者聞此策。笑得腰背彎。智者聞此策。剖說如波瀾。愛者聞此策。首搖眉雙攢。難勸復難阻。徒為鼻辛酸。我初不自

解計亦持兩端。繼復熟忖度。一笑天宇寬。貧豈在失職。富豈定為官。宦海風波況。智力舊曾殫。謂是今有益。何以昔多艱。先後共此轍。胡不如是觀。在家貧亦好。出門行路難。濟險復入險。險豈宜重探。況復桑榆迫。夕陽光易殘。斷送老頭皮。衆心亦何安。

出處大機關。安容矜氣質。委

順以固窮。無凶卽是吉。躁進恒易退。無得卽是失。況復垂暮心。更抱幽憂疾。九年七十八。嫂年七十七。老姊八十五。婆娑同一室。三老各性情。於我盡親密。數里便往還。兩堂無畛域。在家儼衰翁。入座陪末席。嬉遊固歡娛。訓責亦快適。朝夕幸相親。尚虞無多日。勿作斷行飛。更效絕裾出。雖云是生離。分明卽死別。動念淚已盈。未語氣先噎。

如果易初志。便須理行裝。行裝猶未理。惻

惻心暗傷。扶病出戶闥。尚恐難歸牀。扶衰就遠宦。安莫更還鄉。試將家中事。從頭細思量。庭軒我手葺。書畫我手藏。種樹未成實。養竹未成行。久長雖難莫。中道忍拋荒。自從失內助。閭政多蒼涼。機斷紛亂絮。星小耿浮光。失恃小兒女。嬌倚爺當娘。炳男性顛拙。生理非擅場。端生嗣孀婦。顛倒著衣裳。姪長事未立。婿弱身難強。男女孫六七。不肯釐糝糠。穴寬能聚蟻。籬破將亡羊。竟自舍之去。重擔交誰當。風吹雲易散。花落枝難芳。鵬怯去程遠。馬愁歸路長。人情與物態。一一繫離腸。

如

欲守初志。堅卧掩蓬蒿。門戶支旣大。藩籬衛難牢。生財既無術。節用亦徒勞。入者求不得。出者避莫逃。勢難驅舉族。同吹伍員簫。安能齊衆口。共甘顏子瓢。鰲戴南山重。鮒望西江遙。一髮繫難住。六情沸如燒。暮景激瀾波。連天風怒號。不生復不死。何以度昏朝。

處既病身困。出復嗟計左。

斟酌出處宜。畢竟兩孰可。與其卜與人。不若還問我。我昔本寒儒。苦抱數卷書。家徒四壁立。室少擔石儲。弱冠事奔走。早為衣食驅。壯齒領鄉薦。聯捷忝黃甲。瀛島阻高登。令尹愧承乏。折腰徒趨承。折襪無事業。三刀未入夢。四品易朝紳。漸食二千石。前驅五馬馴。波浪重然諾。磊落視風塵。恥蔽王戎履。慨指魯肅困。不效偽君子。甘為爛好人。 運退官忽去。身歸年已老。坐食乏經營。

束手困潦倒。池小易涸竭。樹搖易枯槁。理勢固宜然。非關計不早。我得還我失。何足傷懷抱。況雖老境逆。終較昔貧好。否泰互相乘。終有環畫程。命數注已定。那可人力爭。處既不我容。出更非我意。雲起自昇天。花殘自委地。萬化隨運行。一身本萍寄。默默守寸心。聽憑天位置。

紅豆村人詩稿卷十四 甲寅

錢唐袁樹齋亭

甲寅元日書懷

嗒笑癡翁癡可憐。未謀負郭賦歸田。欲求今是空十載。縱到古稀纔六年。手生慚做古圖畫。耳冷怕聞新管絃。獨餘結習未忘盡。詩稿從頭還自編。

答沈陰園觀察

銷盡朱顏白盡髮。終年多是閉門時。新花每向瓶中見。舊雨空從夢裏思。筆墨不因衰見棄。雲山偏與嬾相宜。世情冷暖尋常事。何待斜陽落始知。

題雲遊圖

名登寶錄品超羣。洎裏烟霞耐夕曛。不解仙人何意思。身閒祇愛作遊雲。

閒情

朋簪酒榼漸相離。門外天涯任路歧。身自灌園甘老圃。病來勿藥守中醫。畫無匠意神方韻。書有餘香靜始知。又是春分時節近。好栽花種莫教遲。

有感

靈旛寂寂颺風輕。記別音容一載經。絕少夢來尋舊約。豈知鬼竟不聰明。衾裯冷抱悲長夜。兒女



癡瓠望再生案上唐詩餘卷在中宵似聽胡吟聲。

題畫松

張璠畫僊邁高風。有個頭陀技亦工。說道夢中傳彩筆。九條龍戲滿晴空。

初春偶感

柳邊含綠草鋪茵。舊樣重翻又覺新。滿座笙歌喧北里。一籬風雨冷南鄰。日長日短皆如夢。花落花開總是春。天亦何心判哀樂。同時領取各隨人。

訪山人幽居不遇留題壁間

為訪高人拄短筇。緩隨流水過橋東。竹園野徑惟沉綠。塵到幽居也不紅。殘卷尚然拋案上。閒雲應祇在山中。斜陽影裏留題去。聊代書名帖一通。

種松

節自纔生已出塵。殷勤培植趁初春。明知難見成陰日。留取長風拂後人。

春曉寓園偶興

探春早起得春先。散步荒園意灑然。竹始放青如乍沐。柳纔含綠正初眠。但能過境成真賞。何必臨風讓少年。未肯甘心竟無分。新詩吟在百花前。

春日閒居戲效香山體

不穿蠟屐不持觴。門掩遲遲晝景長。心結靜緣甘寂寞。老逢春色減顛狂。謀生那有十條計。行樂原無一定方。兩夕吟詩晴日晝。自家酬酢自家忙。

歸雲塢雨窗遣興

連朝春雨肆滂沱。淨洗荒園舊薜蘿。雲壓陡疑窗欲暮。風迴微覺暮生波。身能遠俗何嫌寂。手自鈔書不厭多。一塢涼雲間作伴。老來歲月易消磨。

題邢參戎秋郊射雁圖

萬里事從戎。功成恥伐功。鬢堆葱嶺雪。門掩蒜山風。腔肉閒生久。創痕數自雄。還因秋射鴈。一試鐵胎弓。

曉坐薰香書塾

新雨池亭靜。園荒景自清。魚閒穿藻戲。鳥熟傍簾鳴。逸興徐行引。詩思久坐生。微風吹細竹。戛玉助吟聲。

靜中吟

老得閒中趣。日從靜裏過。架嫌千卷少。坐厭一人多。思共花爭發。心同水不波。詩成還密詠。何必要高歌。

二月十八日雷雨陰晦

雲壓蒼頭黑。天疑忽減寬。雷騎連瓦震。電急掣心寒。屋裏頻添漏。階前欲泛瀾。晨窗拋卷坐。午飯點燈餐。卧怯眠無曉。行愁步舉難。便為長夜飲。又覺意非安。

喜晴

新年冷更甚。深冬二月披裘尚兩重。雨霽拓開寒世態。雲高放出舊春容。花迎暖日爭含蕊。山愛晴霄盡露峯。正是陽和催布穀。好憑乾鵲報三農。

前年張荷塘明府引疾旋里。今春忽然來訪。且將作西湖鴈宕之遊。憐其病而壯其行為賦四

韻

江干賦別倏經年。鷲地重逢社燕前。有病縱輸強健好。無官纔得去來便。夏尋棹葦遊湖墅。秋入烟霞訪洞天。一任浮漚生滿眼。風波不上志和船。

送僧遊楚

行脚隨緣去。天涯那有涯。是山皆可住。逢寺便為家。入定心澄月。談空舌散花。湘中好雲雨。應不濕袈裟。

春居偶興

青氈況味少深嘗。居處今終較昔強。花不厭貧仍遶砌。燕還戀舊自歸梁。無心子祿妻孥怪。分手鈔書子姪忙。焚香盡去香甘默。坐門前一任崔羅張。

閒意

出門到處阻河關。世路崎嶇絕往還。草色綠惟宜靜詠。酒痕紅不上衰顏。時披靈簡倦求友。深掩荆扉當入山。晚雨池塘新漲滿。白鷗相對學人閒。

七里洲渡江

出郭十餘里。臨江上渡舟。崖崩移舊戍。沙漲出新洲。放溜沿長壑。橫空截急流。須臾登彼岸。帆帶夕陽收。

西府海棠

簇簇猩紅爛彩霞。百花顏色總難齊。未應杜宇偏思蜀。不是夷光敢姓西。照水艷愁千玉墜。近欄繁壓一枝低。輸他蜂蝶真消受。深入香叢抱藥棲。

鄭思賢孝廉招同姚姬傳山長毛鄒楊三廣文誦牡丹

谷口春深綠滿枝。招邀同醉牡丹時。兩行紅粉侍長晝。五個白頭吟短詩。宿雨放晴鶯語滑。好風初暖蝶飛遲。主賓都是忘形客。客裏買花前泛冷卮。

靜中書事

瓶花偶插兩三莖。誤引遊蜂一個輕。探得餘香飛不出。啞啞亂顫撲窗聲。

門閒

紅豆木人言和 卷一  
門間稀過客。台色上階重。閉戶嫌妨燕。閉窗為放蜂。心花佳句爛。目力細書慵。坐到無聲處。誰敲一杵鐘。

清谿晚步

一曲清谿萬古情。花留畫舫柳藏鶯。嬌歌自倚新聲換。芳草還從舊處生。雲雨行多春岫倦。繁華流盡晚湖平。渡頭亂擊鴛鴦漿。近日王孫不愛名。

與姬傳同年清話

春城無事日經過。茗煮新泉碧似螺。語好正宜清晝永。心空不覺落花多。酒能斷飲非從俗。詩尚耽吟也自魔。未得打開棋一局。白頭多奈夕陽何。

自哂

懶性貧偏縱。詩情老不休。送春三月暮。枯坐一齋幽。未可人賡和。惟宜自唱酬。漫題餠餅上。且覆醬瓶頭。

三月晦日作

樹頭花落散空烟。笑看春歸又一年。箭射入雲終墜地。帆飛過海不登天。繁華何必追前夢。離合分明定宿緣。剩有數絲殘錦在。倩風吹挂夕陽邊。

題伍元戎秋郊獵圖

小隊元戎出，分崗列羽旌。軍容憑撥整，逸氣入雲豪。馬怒風生鬣，圓開雪捲濤。弓翻鶩落鴈，鞭響接飛猱。傑犬爭馳轡，蒼鷹盡解條。網仍虛一面，令不犯秋毫。揮日迴三舍，從禽萬六韜。歸來還自笑，未試赫連刀。

晚登平臺

轉磴扶藤到頂平，蘭干四面晚風清。人來碧落烟中坐，月在青松頂上明。波淨一池星有影，塵沉萬戶夜無聲。不知誰奏清商曲，疑是雙成吹玉笙。

題畫

一色水天接，扁舟搖碧空。微微荒渚月，窄窄片帆風。家祇居湖上，人疑入剡中。欲知棲隱處，遙指小橋東。

春日遲客不至

難得今朝春意滿，不晴不雨不寒暄。窗戶花鋪散綺羅，蘭干鶯坐調絃管。素心相約兩三人，來煮新泉試茗盞。踏青何處訪朝雲，來不來時應相聞。水欲風兮縹輕紋，山斂黛兮生薄陰。鶯倦歸巢，花意嬾，庭欄日暮空深深。

老懷

老懷非嬾亦非狂，坐坐無功齋白日。長斷飲更能除酒債，養生全不檢醫方。殷勤作蜜嫌蜂拙，辛苦銜

泥笑燕忙。惟供淨瓶花一朵。心清時自暗生香。

寫意

柴門書掩似山深。壁上無絃挂一琴。靜耳尚嫌梁燕鬧。閒情聊共砌蟲吟。錢鏐難免頭如雪。龍猛空傳筆點金。解得浮生都是幻。憑誰參透去來心。

戲題

昨夜風狂雨又狂。惜花趁曉起梳妝。胭脂洗落紅多少。試向階前問海棠。

自遣

風催江浪浪淘沙。石火光中數歲華。脚羊生無實地。迴頭一笑有空花。強將詩調翻新格。閒寫溪山入畫叉。參得靜中清味永。蕉衫卉服即袈裟。

初夏陳東浦方伯招同姚姬傳浦柳愚兩院長張雪鴻明府毛侯園廣文暢遊瞻園賦呈八首  
地占無雙勝。人欽第一流。政因清自簡。園以曲增幽。謝傳雲藏野。庾公月滿樓。蓬壺行可達。何用海中求。  
雨足春三後。風和四月天。坐花開廣議。聽鳥代繁絃。饌盛頻傾醖。簾疎薄籠烟。高懷略軒冕。一任接離偏。  
撐出一圍勝。為山九仞高。奇峯爭列宿。平地疊秋濤。迥欲凌三島。空疑

駕六鰲。元章如得見。狂拜更應勞。  
是最繁華處。偏能絕世譁。竹深狂迸笋。樹異老生花。水石

無巨樣。樓臺入畫家。薜蘿高不剪。留取宿烟霞。  
任意行花塢。隨風嘯竹林。燈移雲棧小。洞



隱石門深。渡澗鷗鷺起。探橋鶴引尋頻穿幽徑出。空翠滿疎襟。信步都忘倦。尋幽往復回。就泉

烹紫茗。拂石坐青苔。綠澗軒初定。瀉煎井不開。夕陽如好客。為送晚霞來。園有軒舊額曰蓬萊佳處公欲易之是日定名

綠澗軒園有普生泉鑿自淳熙年今欄存而井涇散坐闌干淨。酒醒春服涼。池實清照影。草細靜生香。日落松梢暗。

烟拖柳線長。欲行還未忍。餘興遶迴塘。二十年。中事。身經幾度過。風雲來去速。亭榭改移多。

天子真賢達。羣英足嘯歌。慚同花底鳥。也自覺吟哦。

住相圖為馬雨耕博士題

造花無跡。天地有涯。大參既徹。小住亦佳。無我有我。非相是相。立定脚根。何依何傍。

無事靜坐圖為徐芷庭題圖為丁義門寫

心有事即有心。無事便無有事。若無事是為真丈夫。萬事紛相乘。靜鎮心常泰。身在塵埃中。神

遊天地外。可行何妨行。得坐便且坐。鐵鞋踏得穿。蒲團坐不破。丁君今顧陸。寫神兼

寫情。披圖儼相對。只惜不聞聲。

出詞辭錄五

九年引疾卧林深。耐盡羣魔萬種侵。猛向懸崖強撒手。出山心即入山心。秋風影裏動征驂。

未唱鬪歌鼻已酸。不是癡情怕離別。一身閒慣出門難。黃菊栽成十二盆。更分佳種遍

籬根。半年辛苦親培植。等到花時却出門。閒時學圃任優游。豆架瓜棚一院秋。兒女斷瓠姬

剗髮莊家也算已全收。書齋畫堂絕纖塵。風雨朝昏影共親。臨別踟躕重回首。繩牀竹几盡留人。

朝江蘆

年年慣作白頭翁。闔盡江沙漲復空。也自挺身能直立。如何向背祇隨風。

漁女

短篷輕楫自為家。羞上胭脂渚畔槎。莫訝風鬟吹不亂。芙蓉原是拒霜花。

晚泊

晚泊臨高岸。扶筇信步行。古原新月色。荒草亂蟲聲。松勢寒逾健。秋容老更清。孤懷無著處。去住一

舟輕

過吳門

胥江水色碧如螺。為學吳娘也解歌。自是太平風景好。酒人船比客船多。

途中感興

曉作晴雲晚作陰。九秋風日自蕭森。鴈羣低壓荒洲渡。湖氣寒連雜樹深。老歷關河償宿債。夢殘家

室淡離心。前程是否通津處。憑著孤帆試一尋。

至西湖假寓昭慶寺三生房

五載人重到。秋風滿六橋。故鄉如傳舍。小住假僧寮。欲證三生果。誰將一指招。靈山欣有望。不慮取

泉邊

三生房雨中獨坐

忘却身為客。檀鬪澹旅情。空庭寒樹影。細雨暮鐘聲。坐久身先定。心歸氣亦清。今生已如夢。何可問。

三生

旅中雨夜

九月十日  
九夜作

寂寂卧僧房。秋霖響竹廊。老懷能自達。孤夢冷何妨。燈定生花小。更寒報點長。平時貪聽雨。夢覺淒涼。

連日陰晦曉起喜晴

夢迴朝旭上。秋被減輕寒。簾靜知風息。窗明覺室寬。湖船爭晚出。林鳥助人歡。明日沙堤路。徒行更不難。

湖上漫興

四山風景一湖秋。居近湖千足勝遊。為踏沙隄重買履。要尋山徑不登舟。空談到處逢僧舍。小飲隨宜上酒樓。莫慮間行歸路晚。照人東嶺月如鉤。

宣可

宣可更初志。遲迴四五年。去春花減色。過望月難圓。有識惟相誚。無人解道憐。拚將老軀骨。更泛出

洋船。

不能

不能容懶散。自應受奔波。宿孽定如此。高懷將奈何。歸期指流水。別夢繞烟蘿。藉慰吟途興。秋林顏色多。

湖頭晚步

湖頭冷澹勝繁華。沿岸雙扉半掩花。樹色乍寒猶綠葉。嵐光將暮轉紅霞。跨虹橋北迴歌舫。攜鶴樓高認酒家。如此烟波閒不得。鳴榔聲裏亂魚叉。

秋末旅懷

風緊雲陰日漸寒。流光一瞬又秋殘。夜貪永漏孤吟好。曉戀重衾早起難。家室任從羈絆業。驅馳還要到長安。浮生可是無聊甚。霜雪盈頭尚整冠。

曉登葛嶺

攜筇侵曉躡高臺。嶺峻天遙四望開。萬片紅綃扶日上。一條白練指潮來。龍潛深井呼疑出。鶴放孤山去不迴。說有仙人遺跡在。秋烟空冷舊莓苔。

訪蘇小墓

鶴歸仍是昔城隍。絕少當年舊四鄰。閒向西冷橋畔過。福腰草綠訪鄉親。

黃昏

秋深作客易銷魂。寂寞僧房畫掩門。一局殘棋敲未了。魚鐘聲裏又黃昏。

不寐

魚目懸懸徹曉開。寒鐙無焰燼成灰。百年身世三生孽。一杵晨鐘枕畔來。

同王仲瞿孝廉南屏山看紅葉共登萬峰山房訪顛禪師法喜字禪一號舟又號小顛

忽繪南屏作錦城。寒楓烏柏影縱橫。分開叢樹千層翠。網入斜陽一片明。赤壁塵餘山有色。秦原燒盡火無聲。天台洞口空流水。何處題詩寄遠情。

態都成幻。色到無香始是真。已判凋殘甘守寂。偏從搖落更翻新。吟成莫被青山笑。紅樹叢中白髮人。扶筇更上萬峯巔。共叩雲關訪小顛。視聽獨超三乘外。風流直到六朝前。單瓢醉臥花盈榻。破衲吟擔月滿肩。贏得家資誇向客。一房奇石插青天。

再贈小顛

錫住山同住。名顛詩不顛。萬峯藏一鉢。雙石傲諸天。身外更無事。口頭皆是禪。人間好遊戲。爛醉

幾千年。山房有二巨石一特立峭聳一偃卧玲瓏皆全湖名勝所未有自笑謀生拙。衰年復舉杯。雲飛難惜遠。潮出尚期迴。

佛豈須人佞。心因歷劫灰。他年奇石畔。待我掃莓苔。

題萬峯山房贈心舟和尚

南山翠屏下。亂霞紅樹叢。何人結蘭若。乃在虛無中。去湖未三里。入山如萬重。踏雪尋鹿跡。穿苔鮮人蹤。緣崖如渡橋。倚竹當扶筇。扣扉片雲起。鷹門三尺童。高僧一長嘯。虛谷生清風。牀前虎坐卧。林下鶴儀容。手持綠玉杖。笑弄青芙蓉。堆書厭蔽架。挂衲借枯松。酒醒五蘊破。詩吟十首工。顛以玩世俗。佛乃真英雄。浮生愧詞客。微念契禪宗。因師參妙諦。因境悟真空。風傳前寺梵。泉答隔林鐘。久坐高情寂。入耳一靈通。我心方止此。師興殊未窮。導引轉山脊。危磴駕飛虹。蒼巖成海峽。松濤碧捲峰。天花飛已盡。荒臺豈象尊。獨餘一片石。仰首點蒼穹。五丁移何自。未可究初終。畫到王摩詰。拜殺米南宮。徘徊不忍去。夕陽下高春。別師兼別石。歸步惜匆匆。回頭望行徑。已被白雲封。

間泛

木葉未盡脫。沙堤明曉霜。輕雲蕩青空。倒影瀉湖光。山松淨益健。水花寒自香。閒心惜佳日。獨立喚輕航。柳岸橋分斷。荇波風引長。舟子問所適。搖首無定方。遊人不到處。便是無何鄉。遠檝樓臺境。清隨鷗鷺行。臨流發高興。隨意買靈觴。信步登幽岸。繫船倚枯桑。尋鐘訪佛寺。思茗扣僧房。人耳但樵斧。到眼無冠裳。身遊象外。意會形亦忘。忽然逼歸櫂。舟子指斜陽。長吟答天籟。餘緒紅詩囊。茲遊能再否。試問水仙王。

次日再泛

昨已曾遊處。今朝不再尋。輕陰移岸曲。落日渡湖心。景好搜難盡。山空行益深。五年申重約。來此更抽簪。

舟行即事

江鄉風景正秋成。緩緩蒲帆遠岸行。紅葉林邊驅犢影。黃雲堆裏打禾聲。烟沈漁子鳴榔急。波靜菱娘舉棹輕。畫臺詩景描不得。亂霞疎樹夕陽情。

行溪湖即景戲用雙聲體

曠蕩天接湖光平。孤浦戰葉猶秋聲。高樹捲烟風料峭。空波搖影雲飄清。人鋤麥隴碌碌卧。牛踏水車軋軋鳴。閒吟徙倚蓬窗底。落日蒼茫澹旅情。



紅豆村人詩稿卷十四終